

मंदिर गजब बन्यो किनियानी ज्यामे साँवली बोले लिरिक्स



मंदिर गजब बन्यो किनियानी,

दोहा – करणी थरपयो केलीयो,
जटे बन गयो मोटो धाम,
दही घमोकड मावड़ी,
बटे दुनिया करे सलाम।

मंदिर गजब बन्यो किनियानी,
ज्यामे साँवली बोले,
साँवली बोले मंदरिये में,
माताजी बोले,
मंदिर गजब बन्यो किनियानी,
ज्यामे साँवली बोले।bd।

चवदस वाली ओरण फेरी,
ज्यामे भारी भीड़,
जयकारा स्यु गूँज उठयो है,
बारह कोस रो बीड़,
मंदिर गजब बन्यो किनियानी,
ज्यामे साँवली बोले।bd।

धोलगढ़ में धाम आपरो,
देव्या में डाढाली,
इन्द्र बाईसा खुर्द बिराजे,
देशाणे काबा वाली,
मंदिर गजब बन्यो किनियानी,
ज्यामे साँवली बोले।bd।

काला धोला काबर जी,
काबा बेसुमार,
फिरणी में फिरता फिरे है,
देशनोक दरबार,
मंदिर गजब बन्यो किनियानी,
ज्यामे साँवली बोले।bd।

समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



नवराता में आवे जात्री,
पूरे मनरी आस,
दुखड़ा सारा मेट देवजी,
राख खासमखास,
मंदिर गजब बण्यो किनियानी,
ज्यामे साँवली बोले।bd।

दीपक अनिल थारा,
भजन सुणावे,
सुणज्यो ध्यान लगाय,
हनुमान थारी करे विनती,
देशाणे री माय,
मंदिर गजब बण्यो किनियानी,
ज्यामे साँवली बोले।bd।

मंदिर गजब बण्यो किनियानी,
ज्यामे साँवली बोले,
साँवली बोले मंदरिये में,
माताजी बोले,
मंदिर गजब बण्यो किनियानी,
ज्यामे साँवली बोले।bd।

– गायक व लेखक –
हनुमान कुदाल, दीपक पांडिया, अनिल पारीक।
9784976688